

XEFEATURA DE ÁREA DE  
BENESTAR SOCIAL

CONCELLERÍA ÁREA DE  
GOBERNO POLÍTICA SOCIAL  
E TURISMO

CONCELLO  
DE VIGO



Exp. n.º 262380/301 (2024)

**ADDENDA Ó «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A FUNDACIÓN SECRETARIADO GITANO PARA A EXECUCIÓN DE PROGRAMAS DE INCLUSIÓN SOCIO-LABORAL DA POBOACIÓN XITANA DE VIGO: “PROXECTO ACCEDER – VIGO EMPREGO”» (2022-2025).**

En Vigo, na data da sinatura electrónica

COMPARECEN

Dunha parte,

A Concelleira da Área de goberno de Política Social e Turismo do Concello de Vigo, D<sup>a</sup> Yolanda Aguiar Castro, asistida pola Secretaria de Goberno local, D<sup>a</sup> Susana Gallardo Fariña.

Doutra parte,

D<sup>a</sup>. Eva Vera Ledo, con DNI n<sup>o</sup> 34.267.745-E, representante legal en Galicia da “Fundación Secretariado Gitano” (FSG), CIF n<sup>o</sup> G-83117374, con domicilio social na rúa Ahijones, s/n de Madrid (CP 28018) e enderezo para os efectos de notificación na rúa Burgos n<sup>o</sup> 9 de Vigo (CP 36205).

INTERVEÑEN

D<sup>a</sup>. Yolanda Aguiar Castro, na súa condición de Concelleira da Área de goberno de Política Social e Turismo do Concello de Vigo, de acordo coas Resolucións da Alcaldía – Presidencia de estruturación dos servizos corporativos do Concello de Vigo e delegación de competencias, xenéricas e específicas, nos/as concelleiros/as (2023-2027) e, en particular, coa Resolución do 30.06.2023 de delegación de competencias na Área de Goberno de Política Social e Turismo (BOPPO n.º 136, do 14.07.2023).

D<sup>a</sup>. Eva Vera Ledo, actuando en representación da FSG, segundo así resulta dos estatutos da Fundación e da documentación achegada, asegurando a comparecente a vixencia da mesma e que as facultades conferidas na escritura pública outorgada o 25.04.2019 perante a notaria de León Sra. Vázquez Arias, co n<sup>o</sup> 580 do seu protocolo, non lle foron revogadas.

D<sup>a</sup>. Susana Gallardo Fariña, Secretaria de Goberno local, ós meros efectos de asistencia á Sra. Concelleira delegada e dación da fe pública no outorgamento do presente documento.

As comparecentes, no concepto en que interveñen, recoñécense recíprocamente a lexitimación e a capacidade legal necesaria para o outorgamento e formalización da presente Addenda e, como antecedentes e motivación deste acordo de vontades,

Páxina | 1



Copia do documento - Concello de Vigo  
262380-301

Data impresión: 01/03/2024 09:46 Páxina 1 de 3  
CSV: A8A742-2EBHAH-EC454D-7D6835-PMBZFC-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



## EXPOÑEN

I. O 10.05.2022 foi asinado polas partes o «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A FUNDACIÓN SECRETARIADO GITANO PARA A EXECUCIÓN DE PROGRAMAS DE INCLUSIÓN SOCIO-LABORAL DA POBOACIÓN XITANA DE VIGO: “PROXECTO ACCEDER – VIGO EMPREGO”» (2022-2025), aprobado previamente na sesión ordinaria da Xunta de Goberno Local do 05.05.2022 (Exp. nº 232409/301).

II. O obxecto dese Convenio de colaboración era a regulación dos termos da concesión da subvención directa prevista nominativamente nos orzamentos xerais do Concello de Vigo a favor da “Fundación Secretariado Gitano” (FSG) para a execución de “PROGRAMAS DE INCLUSIÓN SOCIO-LABORAL DA POBOACIÓN XITANA DE VIGO: “PROXECTO ACCEDER – VIGO EMPREGO”» (2022-2025).

A situación das persoas xitanas, con baixos niveis de instrución e altas taxas de desemprego, require a posta en marcha de medidas activas nos campos da formación profesional e o emprego para unha completa incorporación social. O emprego é a mellor e máis segura salvagarda contra a exclusión social. O emprego e o seu presuposto, a formación, constitúen factores esenciais no proceso de integración e plena participación sociais dos grupos vulnerables ou en risco de exclusión. O “PROXECTO ACCEDER – VIGO EMPREGO” ten como obxectivos mellorar a capacidade de integración social da comunidade xitana de Vigo, posibilitando o acceso á formación profesional e ó emprego.

III. Na súa Estipulación Cuarta estableceuse o seguinte:

*«O Concello de Vigo, pola súa parte, comprométese a conceder directamente á “Fundación Secretariado Gitano” (FSG) unha subvención para cada un dos exercicios de 2022, 2023, 2024 e 2025 por importe de 16.000€/ano; en total, polo periodo de vixencia do Convenio: 64.000€. O gasto de 2022 imputarase á aplicación orzamentaria nº 2310.480.00.07 – “Fundación Secretariado Xitano”. As achegas correspondentes a futuros exercicios (2023, 2024 e 2025) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais.*

*En todo caso, o financiamento municipal deste Programa farase sempre, en todas e cada unha das anualidades previstas, con cargo a fondos propios do Concello de Vigo e en ningún caso procederán de fondos europeos, a fin de garantir o principio de adicionalidade establecido polos Regulamentos que regulan os fondos estruturais».*

IV. Con todo, nos orzamentos anuais para o exercicio de 2024, aprobados definitivamente polo Pleno do Concello de Vigo en sesión do 27.12.2023 (Exp. nº 80/142; BOPPO nº 249, do 29.12.2023), figura consignado, na aplicación orzamentaria nº 2310.480.00.17 – “FUNDACIÓN SECRETARIADO XITANO”, un importe de 18.288,00€, polo que resulta preciso proceder, mediante esta Addenda, á modificación daquela Estipulación do Convenio.

V. En efecto, a teor do previsto na súa Estipulación Décima: «Calquera alteración do contido deste Convenio precisará do acordo das partes asinantes e da autorización municipal do órgano competente e intrumentarase mediante a correspondente Addenda».



Copia do documento - Concello de Vigo 262380-301	Data impresión: 01/03/2024 09:46 CSV: A8A742-2EBHAH-EC454D-7D6835-PMBZFC-FD	Páxina 2 de 3
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

XEFATURA DE ÁREA DE  
BENESTAR SOCIAL

CONCELLERÍA ÁREA DE  
GOBERNO POLÍTICA SOCIAL  
E TURISMO

CONCELLO  
DE VIGO



Tendo en conta o anteriormente exposto as partes,

### ACORDAN

«PRIMEIRO: Modificar a Estipulación Cuarta do «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A FUNDACIÓN SECRETARIADO GITANO PARA A EXECUCIÓN DE PROGRAMAS DE INCLUSIÓN SOCIO-LABORAL DA POBOACIÓN XITANA DE VIGO: “PROXECTO ACCEDER – VIGO EMPREGO”» (2022-2025), que quedará coa seguinte redacción:

«O Concello de Vigo, pola súa parte, comprométese a conceder directamente á “Fundación Secretariado Gitano” (FSG) unha subvención para os exercicios de 2024 e 2025 por importe de 18.288,00€/ano; en total, polo período de vixencia que resta do Convenio: 36.576,00€. O gasto de 2024 imputarase á aplicación orzamentaria nº 2310.480.00.17 – “Fundación Secretariado Xitano”. A achega prevista para o exercicio de 2025 (último ano de vixencia do Convenio), outros 18.288,00€, estará condicionada ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais.

*En todo caso, o financiamento municipal deste Programa farase sempre, en todas e cada unha das anualidades previstas, con cargo a fondos propios do Concello de Vigo e en ningún caso procederán de fondos europeos, a fin de garantir o principio de adicionalidade establecido polos Regulamentos que regulan os fondos estruturais».*

SEGUNDO: O réxime de pagamentos será semellante ó establecido na Estipulación Quinta do Convenio subscrito en 2022 entre a *Concellería de Política de Benestar Social* e a «Fundación Secretariado Gitano», pagándose o 50% (9.144,00€) logo da asinatura da Addenda e previa presentación do proxecto para o exercicio en curso e a Memoria anual completa do anterior e o 50% restante (9.144,00€) unha vez xustificadas os gastos realizados ata o 01 de novembro do correspondente exercicio. Para poder realizar o pagamento anticipado previsto será necesario que a entidade presente unha declaración responsable de que non está incurso en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impeditivas para a realización de pagamentos anticipados a beneficiarios de subvencións.

TERCEIRO: A presente Addenda estará en vigor durante a vixencia que resta do Convenio».

E en proba de conformidade, as partes asinan esta Addenda, por duplicado exemplar, na data expresada no encabezamento, de todo o que eu, como Secretaria de Goberno local, dou fe.

POLO CONCELLO DE VIGO  
A CONCELLEIRA DA ÁREA DE GOBERNO DE POLÍTICA SOCIAL E TURISMO,  
Asdo.: Yolanda Aguiar Castro

Perante mín,  
A SECRETARIA DE GOBERNO LOCAL,  
Asdo.: Susana Gallardo Fariña

POLA FUNDACIÓN SECRETARIADO GITANO,  
Asdo.: Eva Vera Ledo

